

Issittumi Inuiaqatigiilerinermik Aningaasaqarnermillu Immikkoortortami Inuussutissarsiornermi aningaasaqarnermut ilisimatusarnermut studieadjunkti piffissap ilaannaani sulisartussaq

Ilisimatusarfimmi Issittumi Inuiaqatigiilerinermik Aningaasaqarnermillu Immikkoortortaq Inuussutissarsiornermi aningaasaqarnermut ilisimatusarnermut piffissap ilaannaani sulisartussamik studieadjunktissarsiorpoq.

Atorfik sapaatip-akunneranut 20 tiimit suliffiuvoq. Atorfiup aggustip 1-ani 2025 imaluunniit isumaqatigiissuteqarnikkut inuttalerneqarnissaa kissaatigineqarpoq.

Qinnuteqarfissaq kingulleq tassaavoq junip 22-ni 2025, nalunaaqutaq 12.00, qinnuteqaallu uunga nassiunneqarsinnaavoq personale@uni.gl

Issittumi Inuiaqatigiilerinermik Aningaasaqarnermillu Immikkoortortaq assigiinngisitaarfiusumik ilisimatusartunut ilinniartunullu avatangiiseqartitsivoq 100-t missaannik ilinniartulik, 8-nik piffissaq tamakkerlugu sulisulik, arlalinnik ph.d.-nngorniartulik tikeraatullu ilinniartitsisulik. Immikkoortortaq inuussutissarsiornermi aningaasaqarnermut ilisimatusarnermi aamma Issittumi inuiaqatigiilerinermi bacheloritut ilinniakkanik marlunnik aamma inuiaqatigiilerinermi kandidatitut ilinniakkamik ataatsimik neqerooruteqarpoq. Immikkoortortap ataani ilinniakkani aamma ilisimatusarnerni pingaarnertut sammineqartut tassaapput Kalaallit Nunaat aamma Issittoq.

Ilisimatusarfimmi ilinniartitsinerit kalaallisut, qallunaatut tuluttullu ingerlanneqartarput.

Immikkoortortaq Inuiaqatigiilerinermik, Aningaasaqarnermik Tusagassiornermillu Ilisimatusarfiup ataaniippoq ukuninngalu allanik taanna immikkoortortaqarluni:

- Isumaginninnermik Suliaqarnermi Immikkoortortaq
- Tusagassiornermut Immikkoortortaq
- Inatsisilerinermut Immikkoortortaq

Piginnaasassatut piumasaqaatit

- Inuussutissarsiornermi aningaasaqarnermut ilisimatusarnermi kandidatitut imaluunniit ilisimatusarfimmi naleqquttumik ilinniagaqarsimaneq.
- Studieadjunktitut ilinniartitsinissamut piginnaasaqarneq.
- Issittumi aningaasaqarnikkut ullumikkut atuagaritinneqartunik ilisimasaqarneq - tamannali sukannersumik piumasaqaataanngilaq.

Suliassat

Aningaasaqarneq qitiutillugu suliassa qarfinni assigiinngitsuni ilinniartitsinissat pingaarnertut akisussaaffigissavat.

Aalajangersimasumik:

- Bacheloritut qaffasissusilinni fagini, assersuutigalugu ukunani suliffeqarfimmut tunngassutilimmik suliniummi, inuussutissarsiornermi aningaasaqarnermut ilisimatusarnermi, nioqqutissanik tuniniaanermut tunngasuni aamma pilerisaarineri, ilinniartitsineq. Aallartisaaneq aamma aningaasaliisarneq pillugit ilinniartitsinerni aamma ikiuussinnaavutit.
- Ilinniartunik bachelorinngornianik kandidatinnngornianillu ilitsersuisarneq soraarummeersitsisarnerlu.
- Immikkoortortami instituttimilu suleqatit allat peqatigalugit ilinniakkamik ineriartortitseqqiineq.
- Inuiaqatigiinnik ilisimasani avitseqateqartarneq aamma tamanut ammasumik oqallitsitsinerni peqataasarneq.
- Immikkoortortap suliassa qarfiini paasissutissiortarneq.
- Allaffissornikkut suleqatigiillu akornanni suleqatigiinni peqataaneq.

Qinnuteqaat

Qinnuteqaat, qinnuteqaatitut allakkap saniatigut, ukuninnga ilaqassaaq:

Ilanngussaq 1: Curriculum Vitae

Ilanngussaq 2: Soraarummeersimanernut uppersaasat

Ilanngussaq 3: Inuit pingasut tikillugit oqaaseqaatinik aallerfiusinnaasut attaviginissaannut paasissutissanik tunniussineq

Ilanngussaq 4: Ilaatigut saqqummersissimasat aamma/imaluunniit ilisimatuutut misissuilluni paasissutissiornermilu suliat kiisalu ilinniartitsisimanerit allattorsimaffiat

Ilanngussaq 5: Ilaatigut suliamut tunngasumik paasissutissiornermilluunniit saqqummersissimasat pingasut tikillugit. Qinnuteqartup saqqummersissimasani annerpaamik pingasut nalilersorneqarnissamut immikkut attuumassuteqartut toqqarsinnaavai

Atorfik ineriartornissamut pissanganartunik periarfissartaqartoq neqeroorutigaarput, tamatumunnga ilanngullugit:

- Adjunktut pædagogikumimik ingerlatsineq.

Atorfinitsitseriaaseq

Atorfinitsitseriaaseq ataatillugu ataatsimiititaliat qinnuteqaatit tiguneqartut tamaasa suliarissavaat.

Studieadjunktut ukiunik arfinilinnik piffissaleriikkamik atorfinitsinneqarneq ukiunik marlunnik

sivitsorneqarsinnaasoq. Lektorip pitsaasumik naliliineratigut studielektorit atorfinitsivinneqarneq.

Attavigisassat/ paasissutissat:

Atorfik pillugu paasisaqarnerorusukkuit Issittumi Inuiaqatigiilerinermik Aningaasaqarnermillu

Immikkoortortap pisortaa Javier Arnaut attavigisinnaavat oqarasuaammut uunga +299 347329 imaluunniit instituttip pisortaa Annemette Nyborg Lauritsen, oqa. +299 347360.

Issittumi Inuiaqatigiilerinermik Aningaasaqarnermillu Ilisimatusarnermut Immikkoortortaq pillugu uani atuarnersinnaavutit www.uni.gl

Ilisimatusarfik pillugu

Ilisimatusarfik 1987-imi pilersinneqarpoq. Maannakuugallartoq ilinniarneqarsinnaasut assigiinngitsut 13-upput, taamatuttaaq Ilisimatusarfiup neqeroorutigai diplom-imut masterimullu saniatigut ilinniarnert. Ilisimatusarfik issittumi universitetiuvooq nunarsuup ilaani pilertortumik ineriartorfiusumi nutaanik ilisimasaqalerfiusoq nutaaliarfiusorlu. Siulersuisut tassaapput Ilisimatusarfiup qullersai. Ulluinnarni aqutsineq rektorimit direktørimillu ingerlanneqarpoq. Instituttit sisamaasut Instituttini Siunnersuisoqatigiinnit siunnersorneqartumik siulersorneqarput.

Ilisimatusarfik sisamanik instituteqarpoq:

- Ilinniartitsinermik Ilisimatusarfik
- Inuiaqatigiilerinermik, Aningaasaqarnermik Tusagassiornermillu Ilisimatusarfik
- Kulturimik, Oqaatsinik Oqaluttuarisaanermillu Ilisimatusarfik
- Peqqissaanermik Pinngortitamillu Ilisimatusarfik

Allaffissornikkut aqutsisoqatigiiffik pillugu

Allaffissornikkut aqutsisoqatigiiffiup ilisimatusarfik tamakkerlugu sullitaraa. Ilisimatusarfiup direktørianit aqunneqarpoq. Allaffissornikkut aqutsisoqatigiiffik Ilinniarfissuarmi Ilimmarfimmilu immikkoortortaqarpoq. Immikkoortortat faginik ingerlatsiviusunik qanimut suleqateqartarput soorlu namminneq akunnerminni aamma taamaattartut. Allaffissornikkut aqutsisoqatigiiffimmi suliasat tassaapput: ilinniartut pillugit-, sulisut pillugit aqutsineq, Siulersuisuniik, Akademisk Rådimik kiisalu ilimmarfimmi sulisunik ilinniartunillu

sullissineq. Allaffissornikkut aqutsisoqatigiiffiup Ilimmarfiup ilutaanik sanaartormik nakkutiginninneq aamma ingerlataraa.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.